

Patxi Goenaga, euskaltzain oso

Iragan urtarrilaren 28an, Euskaltzaindiak, Gasteizen bizi den Patxi Goenaga hizkuntzalari azpeitiarra euskaltzain oso hautatu zuen. Hiru izen ziren haseran hautagai izendatuak: Txillardegia, Arejita eta Goenaga. Azken unean, halere, Txillardegiren izena hautagaien zerrendatxoan aurkeztu zutenek (Xabier Kintana, Txomin Peillen eta Patxi Zabaletak) hautagaitza hori atzera bota zuten dirudenez Txillardegia beraren gogoia hala zelako.

Gauzak horrela, bi hautagai geratu ziren: Arejita eta Goenaga. Botoetan Goenagak jaso zituen botu gehien: hamalau botu Goenagaren hautagaitzaren alde, bost Arejitaren alde eta hiru zuri. Hautatzeko unean ez ziren batzarrean Antonio Zabala eta Patxi Zabaleta.

Patxi Goenaga filologia erro-

manikoan lizentziatu zen 1974. urtean Deustuko Unibertsitatean. Eta hango irakasle izan eta gero Euskalerriko Unibertsitateera aldatu zen Koldo Mitxelena deituta. 1984an Euskal Filologian doktore bilakatu zen, Koldo Mitxelena zuzendutako "Euskal sintaksia: konplementazioa eta nominalizazioa" tesi lanarekin. Filologia, Geografia eta Historia Fakultateko irakasle katedraduna da 1991. urte geroztik, departamentuko dekanoa izana, gaur egun Arabako campuseko errektoreordea da. Bere libururik ezagunena *Gramatika bideetan* da. Euskaltzain urgazle izan da hamasei urtez eta Euskaltzaindiaren Gramatika eta LEK batzordeetan egin du lana nagusiki.

Bihokio Patxi Goenaga adiskideari gure zorionik beroena.

G.E.